

Broj: 05-02-35-38/2021-8  
Sarajevo, 26.08.2021. godine

Na osnovu člana 70. st. (1) i (4), a u vezi sa članom 69. stav (2) tačka e) Zakona o javnim nabavkama („Službeni glasnik BiH“, broj: 39/14), sekretar Vlade Federacije Bosne i Hercegovine, d o n o s i

**ODLUKU**  
**O PONIŠTENJU POSTUPKA JAVNE NABAVKE ROBA – NABAVKA KANCELARIJSKOG I**  
**KOMPJUTERSKOG MATERIJALA I OSTALOG ADMINISTRATIVNOG MATERIJALA I**  
**SITNOG INVENTARA – NABAVKA TONERA ZA POTREBE GENERALNOG**  
**SEKRETARIJATA VLADE FEDERACIJE BOSNE I HERCEGOVINE**

**I.**

Poništava se postupak javne nabavke: Konkurentski zahtjev za dostavu ponuda za javnu nabavku roba - nabavka kancelarijskog i kompjuterskog materijala i ostalog administrativnog materijala i sitnog inventara – nabavka tonera za potrebe Generalnog sekretarijata Vlade Federacije Bosne i Hercegovine, evidencijski broj nabavke: 05-02-35-38/2021-1 od 23.07.2021. godine, broj Obavještenja o nabavci sa Portala javnih nabavki: 854-7-1-76-3-12/21 od 23.07.2021. godine, s obzirom da jedina prihvatljiva ponuda ponuđača AERO-EXCLUSIVE d.o.o. Sarajevo prekoračuje procijenjenu vrijednost javne nabavke.

**II.**

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka javne nabavke, broj: 05-02-35-38/2021 od 19.07.2021. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 13.500,00 KM bez PDV-a.

Obavijest o nabavci, broj: 854-7-1-76-3-12/21 poslana je na objavu 23.07.2021. godine, te je istog dana objavljena na portalu Javnih nabavki.

Tendersku dokumentaciju je preuzelo 15 (petnaest) privrednih subjekata, a 3 (tri) ponuđača dostavila su ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: ELKOM d.o.o. Vitez, PlanPlus d.o.o. Zenica i AERO-EXCLUSIVE d.o.o. Sarajevo.

Komisija za javne nabavke, imenovana Rješenjem, broj: 05-30-36-R-13/2021 od 21.07.2021. godine, izvršila je pregled i ocjenu ponuda, te konstatovala da od ukupno 3 (tri) primljene ponude, ponuda ponuđača: PlanPlus d.o.o. Zenica nije bila predmet evaluacije, ELKOM d.o.o. Vitez ocijenjena je kao neprihvatljiva i AERO-EXCLUSIVE d.o.o. Sarajevo ocijenjena je kao prihvatljiva.

**Ponuda ponuđača PlanPlus d.o.o. Zenica, nije bila predmet evaluacije iz sljedećeg razloga:**

- konstatovano je da se dostavljena ponuda ne odnosi na predmetnu javnu nabavku roba – nabavku tonera. Kompletna ponuda Ponuđača pripremljena je na obrascima i aneksima koji se ne odnose na javnu nabavku roba – nabavku tonera. U skladu sa navedenim Ponuda ponuđača PlanPlus d.o.o. Zenica nije bila predmet dalje evaluacije.

**Ponuda ponuđača ELKOM d.o.o. Vitez odbačena je iz sljedećeg razloga:**

- u Aneksu 9 – NACRT OKVIRNOG SPORAZUMA na posljednjoj strani (25. strana Ponude) nedostaje pečat ponuđača.

U Tenderskoj dokumentaciji tačka 13. OSTALE INFORMACIJE, podtačka 13.6., između ostalog, propisano je: „Ponuđači su dužni uz ponudu dostaviti popunjen, potpisan i opečaćen Nacrt okvirnog sporazuma u koji su unijeli sve tražene elemente/podatke iz svoje ponude.“

**Ponuda ponuđača AERO-EXCLUSIVE d.o.o. Sarajevo ocijenjena je kao prihvatljiva, ali ista prekoračuje procijenjenu vrijednost javne nabavke, koja iznosi 13.500,00 KM bez PDV-a.**

- ukupna cijena Ponude ponuđača AERO-EXCLUSIVE d.o.o. Sarajevo iznosi 14.994,69 KM bez PDV-a i veća je za 1.494,69 KM u odnosu na procijenjenu vrijednost javne nabavke.

Ugovorni organ je za predmetnu nabavku predvidio provođenje e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16). S obzirom da je samo jedna ponuda u predmetnom postupku prihvatljiva e-aukcija nije zakazana.

Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 05-02-35-38/2021-7 od 24.08.2021. godine, u kojem je konstatovala da je ponuda ponuđača AERO-EXCLUSIVE d.o.o. Sarajevo, sa registriranim sjedištem u Sarajevu, ID broj: 4200061610000 prihvatljiva u smislu kvalifikacionih uvjeta postavljenih u Tenderskoj dokumentaciji, ali da ista, prekoračuje procijenjenu vrijednost javne nabavke, koja je iznosila 13.500,00 KM bez PDV-a. Odnosno cijena ponude je veća za 1.494,69 KM bez PDV-a u odnosu na procijenjenu vrijednost javne nabavke i iznosi 14.994,69 KM bez PDV-a.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije.

Ponuđač AERO-EXCLUSIVE d.o.o. Sarajevo dostavio je prihvatljivu Ponudu u skladu sa uvjetima postavljenim u Tenderskoj dokumentaciji.

S obzirom da Ugovorni organ trenutno nema dodatno raspoloživa finansijska sredstva u Budžetu za ovu nabavku, rukovodilac Ugovornog organa dala je saglasnost Komisiji za javne nabavke, imenovanoj Rješenjem, broj: 05-30-36-R-13/2021 od 21.07.2021. godine za sačinjavanje Prijedloga odluke o poništenju predmetnog postupka javne nabavke.

Uzimajući u obzir naprijed navedeno, a shodno članu 69. stav (2) tačka e) Zakona o javnim nabavkama, odlučeno je kao u dispozitivu ove odluke.

## POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine, putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



SEKRETAR VLADE

*[Handwritten signature]*  
mr. sc. Edita Kalajdžić

Dostaviti:

1. Ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove